

# 卷二十二

書名 文潞公文集四  
 十卷 嘉靖五  
 年高陵呂氏刊  
 本  
 撰者 宋 文彥博  
 撰, 明 呂柟  
 校  
 卷 卷二十二  
 內容分類 集 別集- 北宋  
 索書號 集部 別集- 3 28  
 編號 D7220100

文潞公文集卷第一

古

聖駕幸太學賦并序

國家 寰宇昭泰仍歲登平務恢儒風以章示黎獻  
 皇帝 備法駕幸于太學詔諸儒博士講論前典親  
 臨聽 臣獲逢休吉之期恭聞偉盛之事舞蹈不足  
 形容 誠不能述宣上德褒讚形容姑第樵夫之  
 談 轅之韻爾詞曰  
 炎 之四葉皇上御極之三年九有成若六合  
 晏 之踏于壽域文教燭乎永天朝無闕政野無

彩色首頁

東洋文化研究所漢籍目錄 編號: D7220100

東洋文化研究所漢籍目錄所藏漢籍善本全文影像資料庫 索書號: 集部 別集- 3 28

漢籍善本全文影像資料庫文本文潞公文集四十卷 嘉靖五年高陵呂氏刊本

版權所有: 東京大學 東洋文化研究所

使用上的注意事項

早定此議付外施行仁宗曰朕意既已定矣卿等無  
憂臣等既得此意旨謂無疑矣時亦旰晷遂退是年  
八月臣等因樞密院闕官議於上前乞召韓琦充樞  
密使蓋以琦忠義必能當重事仁宗可之自後繼有  
議論未幾臣得請判河南堯臣尋卒措紳間多知其  
忠於國計臣所記憶當日之事大槩如此今蒙聖問  
令臣條列之猶恐遺忘謹具進呈

文潞公文集卷第二十一

文潞公文集卷第二十二

奏議

論保馬

熙寧六年

諸州郡坊郭第四戶縣郭第三等鄉村第二等以上  
戶生計從容皆須養馬以代徒屨之勞費物力高則  
養馬愈多此皆不待官中勸率召募務固已家有而戶  
畜矣若先時更使等第畜馬定以正數須壯嫩及格  
尺者居常任民乘騎出入歲時亦不得勾點煩擾一  
旦官中須要給以元契之直可旦暮而集人自樂輸  
比之急暴而科買利害不侔矣今四等以上人戶類

出彼錢所出役錢之多悉在上等人戶今若蠲減上等租稅則下等人戶所出不充顧役之用必見闕事民既知緩急必取馬於民安得不家收戶畜以應一日之督責哉丁產簿法以三歲一造今非其時又頻歲災傷民流徙者衆今若非時重造徒成搔擾若同候至豐年行之未晚

赴河陽陛辭日面奏

陛下憂勤庶政切於致治乃堯舜用心更顧陛下廣開言路兼采博納使下情上達收攬權綱無使權臣賣弄爵人於朝湏協公議與衆共之任官令久於其

任候所職成敗明著而後賞罰用人當兼取群才同濟時務若專一才即朋黨膠固者希時而並進孤忠自立者望風而歛退更望法天地簡易之道守祖盈成之業使上下安靜則不治而自治近時新進纖佞之人多是妄有更張興作以為進身之術陛下今不采納臣愚忠異時必當自驗臣惟望聖明早悟即天下之福臣今朝辭赴任方瞻戀軒陛更無劄子進呈伏恐有本任指揮事乞賜聖旨

乞令諸路帥臣與副總管同議邊事

熙寧六年

朝廷每差諸路副總管所降宣命指揮凡事並與都

總管商量施行訪聞近年以來逐路都總管凡關兵馬公事及邊防機宜多是於經畧司安撫司一面行遣副總管皆不預聞况本路都總管如有邊事須合出兵或不能自行即遣副總管領兵出入若本司公事及邊防機宜素不預聞臨事倉卒必不周詳復又素不假以事權臨時節制偏裨亦恐未甚仰服兼陝西諸路因康定中自鈐轄已不分定將官訓練兵伍蓋欲兵將相諳便於指蹤號令然副總管實副大帥盡護諸將不曾分作次第將官亦聞近年以來副總管亦今作第一將即與偏裨一等事體益輕尤為非

便今欲下逐路經畧安副使都總管凡兵馬公事及邊防機宜常須與副總管詳熟同議亦不得別作一將却與鈐轄都監等比所貴事體異於偏裨緩急倚以出兵可以節制諸將餘依前後宣命指揮乃務協和各副朝廷任使之意

乞免夫熙寧六年十一月

臣檢會河陽通年准勅差春夫赴鄭州滎澤原武等縣界開修河隄及去年差夫直赴開封府界白馬縣修隄功役地里遙遠人戶供送累費不易切緣本州諸縣人戶累年併值水旱災傷民力疲困乞權免來

年差徃諸處春夫一次所貴民力不致失所謹具奏  
聞伏候進止

又

臣檢會河陽累據諸縣人戶陳狀併值夏秋五料災  
傷乞免向去一料春夫州司體量得人戶即日委是  
大段疲困以三次奏乞朝廷體念特免向去一料春  
夫及先權住來年一年變修石岸一百步所貴稍寬  
民力兼臣檢會元初擘畫改稍木岸作石岸一宗文  
字所相度官亦無大段利害祇且略依上言臣僚施  
行仍却於順水不向着歸岸每年變作一百步石岸

顯是不至緊急所差夫采石却甚勞苦若權住一年  
極無妨礙兼臣於十一月十二日兩次被旨赴濟源  
禱雪祈雲所過河陽濟源兩縣界以秋末至於冬中  
久無雨雪田疇乾旱種麥全少况此兩縣在本州稍  
為富庶尚乃村落蕭然例有采色若不減重役必不  
聊生以臣愚短固無仁惠可以下蘓疲瘵上寬宵旰  
惟是重疊力奏朝廷特賜體念矜恤伏乞檢詳本州  
前後三奏并臣今來劄子早降指揮取進止

乞罷河北預顧車牛七年

臣勘會本道所管八州內懷衛屬河北西路近累准

西路轉運司牒准朝旨逐將下合用太平車一百六十乘并牛畜於逐將所領軍馬住營州軍預令民間結保承認過兵行日量支顧錢隨軍前去民間聞之將為官軍不測便有舉動頗亦驚擾况河北人戶例有車牛乃是民間日用之物兼逐將所須車牛馬其數不多緩急或顧或差旦暮可集不誤軍期乞更不須預令民間結保承認免致先有煩擾取進止

澶魏博州三將合用車牛東路轉運司並不曾行下逐州必是別有擘畫亦恐民間煩擾若遇兵行於民間顧倩車牛人情必不敢避

免即未明所出車牛之家至時更合備人力隨行否此一事人情所憚如不用逐家人力隨行亦乞明降指揮

乞免人戶折變蚕鹽錢

熙寧七年

臣檢會近准大名府牒為人戶今歲大段災傷困乏其蚕鹽錢只乞特許並免折變令納免錢候向去豐熟却令依舊已於六月二十九日具劄子申奏去訖至此未奉朝旨今又據懷衛州狀申逐縣人戶各為災傷乞將蚕鹽錢送納本色見錢州司勘會今年夏稅已係全放今體量得人戶委是累年併值災傷貧

困不易所有蚕鹽錢伏乞詳酌指揮者臣勘會上件  
逐州府人戶委實大段災傷必是難以了納切慮別  
致逃移欲望朝廷檢詳臣前奏及今來懷衛州所申  
事理早賜指揮許將人戶今年蚕鹽錢並免折變只  
今送納見錢後向去豐熟却令依舊折變所貴災傷  
貧民易為了納取進止

乞體探西北遣使相過事

熙寧七年

臣見諸處關報探到事宜西人北虜遣使相過稍頻  
深虜姦謀詭計以利相誘牽利遣兵乞令河東經畧  
司麟府軍馬司專委火山知軍於下寨子常切體察

西北遣人相過情狀取進止

下寨子屬火山軍在西北兩界之中內殿崇  
班燕復是火山軍人有心力見在麟府守官  
可委之同察

乞嚴諭河北安撫司探報事宜

熙寧七年

臣近累據雄霸州廣信安肅軍關申到體探事宜並  
皆循常閑慢事節兼久應驗今來北界既頻有生事  
不比常時乞朝廷嚴諭前項四州及松邊安撫司精  
選勾當事人比舊日優與錢物入深體探務要的當  
事宜不誤邊防准備取進止

論修樓櫓事熙寧八年

河北平壤其城池樓櫓之設尤嚴於它道凡遣使行邊所以督責於守臣按察之吏者必先焉夫豈以有事整完無事則廢弛哉比者命安撫使以修完屬郡之城壁周相其摧壞褊狹將易而新之使士民有以容兵械有以施善矣苟慮事計材趣會期於歲月之頃無不完者此固足以代守國之檢而嚴禦戒之備也命方行而反令依倣制度造作熟材堆積蓋藏於官舍之中以俟樓櫓之大壞而易之未見其利也北京樓櫓之當修者九百餘所九八千餘間若欲槩修

於數月之間雖盡鳩天下之良工亦不可卒焉而就必在次第而修作之舊材之中尚有可用者亦兼取焉然猶要之一二年僅可完矣今乃以成熟之材委積於虛閒之處敵來而后立患至而后興無乃不及於事乎今若據樓櫓見在區數內有庳下不及制度並欹側朽弊者計其數耳修其半仍間隔一座所費城上不至計然空缺年歲之間便得周遍完備

神宗諮訪詔熙寧八年三月

朝廷通好北虜幾八十年近歲以來生事彌甚代北之地素有定封而輒起釁端妄求理辨比敕官吏同



加按行雖圖籍甚明而詭辭不服今橫使復至意在  
必得朕以祖宗盟好之重固將優容廣情無厭勢未  
已萬一不測何以待之古之大政必詢故老卿夙懷  
忠義歷相三朝雖爾身在外乃心罔不在王室其思  
所以待遇之要禦備之方密具以聞朕將親覽付某  
臣於今日十日准入內供奉官裴昱至賜臣  
實封手詔一道詢及疆事令臣密具以聞臣  
今具手劄一道進呈

答奏

臣伏奉詔書詢及疆事臣以衰拙昏耄何足仰承聖

問然以久當柄任蒙國恩深義激於中敢不罄露庶  
伸補報之萬一夫戎狄之情貪利忘義從古以來載  
於書史者詳矣自真宗朝與通好所以息民幾八十  
年未嘗犯順惟慶曆初乘我西事未彌故有邀求餌  
之而已當時載立誓書亦古尋盟之義也歷觀前代  
中國與夷狄通好未有如今之悠久蓋朝廷謹守信  
誓至雖瑣瑣細故亦不萌生變改是以戎人亦不敢  
輕有希求自數年前累來望理白溝館地及要折去  
鋪屋況誓書之中明載雄州所管白溝兩朝遵守已  
久且信誓之詞質於天地神祇告於宗廟社稷此而


可渝何以享國今蕭禧重来又決於雄州北亭交割  
禮物其意欲以雄州北亭為界其如誓書何誓書若  
不為憑即代北之地止以圖籍照驗宜其不以為據  
原其貪心亦因慶曆初西事未平之際求黃嵬之地  
朝廷容易棄與之又至今日妄有侵理誠如聖詔所  
謂虜情無厭勢恐未已臣亦虜因此妄起釁端聖意  
謂萬一不測何以待之臣以謂中國御戎守信為上  
必以誓書為證彼將何詞以亢縱騁詭詞難奪正論  
臣又以事理度之事固有逆順理固有曲直順而直  
天必助之逆而曲人不與之若虜人不計曲直利害

肆其貪狼犯順之心朝廷固已嚴於預備之要足食  
足兵堅固城壁保全民人以戰則勝以守則固止此  
而已臣又聞用兵之道兵應者勝不得已而用之此  
所以天必助之大抵中國之兵利在為主以主待客  
以逸待勞理必勝矣亦應兵之道也臣伏詳詔書曰  
思所以待遇之要御備之方切料聖意慎於舉動尚  
慮發言盈庭容有異論或曰先發制人意在輕動或  
曰乘其未備襲取燕薊事不審處恐將噬臍非王師  
萬全之舉也伏願陛下垂意熟察之今朝廷分置將  
官整齊器械固得之矣然將校徧裨更須慎擇其人


又河朔頻歲飢荒糧餉用度窘乏尤索計置若兵速  
未解物力殫屈即誤用兵非粟而糧尚不給何以取  
濟國大事切要先事而辦乃無後艱至於不急煩費  
事須裁節在臣本道者亦當續次奏聞臣識淺才薄  
思慮不周伏望聖慈稍垂省覽寬其罪戾臣無任惶  
恐之至

臣慮蕭禧之來亦議及白溝况白溝載於誓  
書明白河朔城壁非要害之處亦當且後之  
所貴專力於合修之處臣頃首上奏河北近  
西山州軍城壁未須添展枉勞民力蓋萬一

有事宜民皆出山寨之中易得薪水出入自  
便當時沮臣議者謂今之西山林木伐盡無  
險可恃本以山為險非在林木况巖谷之間  
戎馬必能散掠景德間山寨之名至今頗有  
存者可以檢問



文路公文集卷第二十二



文路公文集卷第二十二



東洋研究會  
圖書印